

Qinigaanerup Misilinneqarnissaanut Ataatsimiititaliap ilaasortat qinigaasut qinigaasinnaassusiat pillugu inassuteqaataa.

(Qinigaanerup Misilinneqarnissaanut Ataatsimiititaliaq)

Inatsisartut Suleriaasianni § 1, imm. 3, tak. § 7, imm. 2, naapertorlugu qinigaanerup misilinneqarnissaanut ataatsimiititaliaagallartumik, Inatsisartunut sivilunerpaamik ilaasortaasimasumik siulittaasoqartumik taassumalu toqqagaanik Inatsisartunut ilaasortanik sisamanik ilaasortalimmik, Inatsisartut pilersitsissapput.

Uanga nammineq sivilunerpaamik ilaasortaasimasutut ilaanerma saniatigut ataatsimiititaliami Inatsisartunut ilaasortat uku ilaasortaapput:

Aleqa Hammond, Siumut

Finn Karlsen, Atassut

Jens B. Frederiksen, Demokraatit

Anthon Frederiksen, Kattusseqatigiit Partiiat

Inatsisartunut ilaasortatut qinigaasut tamaasa pinerluuteqarsimasunik nalunaarsuiffimmi paasissutissat tunngavigalugu qinigaasinnaanerat ataatsimiititaliap misissorpaa, tak. Suleriaatsimi § 2.

Misissuineq ilaasortat arlaannaataluunniit qinigaasinnaaneranik nalornissutiginninnissamik pissutissaqalersitsinngilaq, taamaammat qinigaasinnaaneq pillugu

inatsimmi piumasaqaatinik ilaasortat tamakkerlutik eqquutsitsisutut isigineqassasut ataatsimiititaliaq inassuteqarpoq.

IIA 2005/4

Taamaalilluni ullormut oqaluuserisassani immikkoortut sisamaat naammassillugu oqaluuserineqarpoq.